



SICONDA SESSIONE URDINARIA DI U 2017
RIUNIONE I 21 E 22 SITTEMBRE

N° 2017/O2/058

DUMANDA URALE POSTA DA MMA Anna Laura SANTUCCI
À NOME DI U GRUPPU « FEMU A CORSICA »

OGETTU: SURTITÀ SCULARE IN MUNTAGNA.

Madama a Cunsigliera Esecutiva,

Vi vuleria interrughà nantu à a prublematica di l'accolta di l'allevi in muntagna durante e surtite sculare.

Dopu à un cuntrollu di legalità di l'atti inquantu à l'urganizazione di l'azione educativa, una circolare recente di l'Accademia di Corsica in data di lugliu di u 2017 hè ghjunta à precisà a regulamentazione relativa à l'accolta di l'allevi minori in i rifugi di muntagna.

Questa in applicazione di l'articuli D326-1 e D326-2 di u codice di u turisimu, è REF 7 di l'arrestatu di u 10 di nuvembre 1994 mudifichendu u regulamentu di securità applichevule à i stabilimenti chì ricevenu u publicu.

Issu currieru preciseghja à i capistabilimenti chì occupà di notte tempu i rifugi di muntagna da l'allevi di una scola hè difesa, fora cun certe cundizione assai strette : s'ellu si tratta di un campu itinerante, s'è u locu hà un alloghju custruitu in duru, mezi individuali per dorme, di a pussibilità di isulà i maladi cuntagiosi, o a pussibilità di avè accessu à un'infermeria. È sò dinù difese e notte sotto una tenda.

Issa circolare accademica hè solu un ramentu di a regulamentazione, ma pone parecchi prublemi.

Ùn si tratta micca di rimette in causa a securità di l'allevi, ma issu tippu di surtita pedagogica esiste ind'è l'Accademia di Corsica da tanti anni è ùn anu sinu ad oghje postu nisun prubema.

Un'interpretazione restrittiva d'issu arrestatu ùn saria capace à rimette in causa l'inseme di una dinamica custruita ingiru à a pruspettiva di un sviluppu è di una sensibilizazione à a muntagna?

A dumanda ci pare tantu più legittima chì a Corsica chì u so statutu « d'isula muntagna » hè statu ricunnisciutu pocu fà si face vede cumu un terrenu propiu attu pè a prugramazione d'issu tippu di surtita. Ramentu chì st'Assemblea hà vutatu à l'unanimità u schema d'acconciu di a muntagna è u so latu educativu.

Dunque a mo dumanda hè questa quì : ci pudete precisà e mudalità di a legislazione in issa materia è ciò ch'ella implicheghja per l'inseme di u travagliu messu in opera da i nostri insignanti? S'è di fatti si vede ch'ella hè impussibile qualunque nuttata in muntagna pè i nostri sculari, ùn si puderia dumandà ch'ella sia adattata a legislazione attuale, in un quattru securitariu altu, arrimbendu ci nantu à u statutu particolare di a Corsica è u so caratteru d'isula muntagna?

À ringrazià vi.